



Universitätsbibliothek Paderborn

**De Variis Generibvs, Cavsis, Atqve Exitv Perseqvvtionvm,
Qvas pij hoc in mundo peregrinantes patiuntur**

Lens, Jean de

Lovanii, 1578

Omnino inexcusabilem fuiße Gentilium in Christianos saeuitiam. Cap. 14.

urn:nbn:de:hbz:466:1-30324

DE VARIIS PIORVM

Omnino inexcusabilem fuisse Gentilium in Christianos
semitiam. C A P . X I I I .

QVid enim ad excusationem sui damnata hæc turba prætexat? Adeóne absurdæ & incredibilia, quæ afferrentur fuisse, vt ea mens humana refugeret? At longè absurdior pluriū, quām vnius Dei prædicatio, lignaq; & faxa pro dijs colij, aut morbos & feras foedasue bestias, videri debuit intolerabilius, quām inuisibilem & omnia continentem adorari; quem præsertim conspicua hæc eius opera in desinenter prædicent, & tanquam paginæ quædam elementorum, legendum intelligendumque prebeant: ad cuius omnes tonitrua & fulgura contremiscunt, ad beneficia gaudent. An dogma novum suscipiendum non fuit, antiquitate reprehensa? Sic enim Romam Synimachus, aduersus Christianos conquerentem inducit, apud Valentinianum, Theodosium, & Arcadium Augustos. Optimi principes, patres patriæ, reueremini annos meos, in quos me pius ritus adduxit, vt ar ceremonijs auitis, neque enim me pœnitit; viuam meo more, quia libera sum; hic cultus in leges meas orbem redegit, hæc sacra Hannibalem à mœnibus, à Capitolio Senonas repulerunt. Ad hoc ego seruata sum, vt longæua reprehendar? Videam quod instituendum putatur? Sera tamen & contumeliosa est emendatio senectutis. Ad hunc ergo modum ille de antiquitatis reprehensione conqueritur; cum noua in primis religio dici non debeat, ad quam semper cælum terraque varijs rationibus inuitarunt: nisi forte & solis ac syderum lucem, dicere cæci nouam velint, quod eis propter cæcitatem, visa non fuerit vñquam. Sic enim lux veræ diuinitatis in tenebris lucet, & tenebræ eam non comprehendunt. Sic & meridie cœci impegerunt quasi in tenebris, suasque tenebras sic amarunt, vt accusatam nomine nouitatis lucem respuerint. Neque igitur nouum censendum est quod primū fuit, semperque postea est prædicatum: neque probanda vetustas est in eo, cuius origo & obseruatio omni reprehensione digna monstretur. Deinde nunquamne ipsi nouos deos suscepere? Nunquamne maiorum sacra mutarunt? Nouos deos consecrassæ suos imperatores non ignorant. Sic enim homo commentabatur Deum, quomodo Romulus Consul, & Tatius Chacinam, & Hostilius Pa- uorem, & Metellus Alburnum, & Adrianus Antinoum.

Sed

*Exterat hæc
Symmachii
relatio inter
Ambro. epi-
stolas, ad
quam Amb.
ipse literis
ad Valenti-
nianū datis,
respondit
epistola 31.*

*Iean. 1.
Isaiæ 59.*

*Ex Tertul.
apologetico.*

Sed vetus erat decretum, ne quis deus ab imperatore consecraretur, nisi ab Senatu probaretur. Sic nempe apud illos humano arbitratu pensabatur diuinitas. Nisi homini Deus placuerat, Deus non erat. Cur ergo Deus Christianorum suscepitus non est quanquam nouus? Videlicet quia Tyberius, cuius tempore nomine Christianum in saeculum introiuit, annunciatam sibi ex Syria & Palæstina veritatem illius diuinitatis detulit ad senatum, cum prærogatiua suffragij sui. Senatus quia non ipse probauerat, respuit. Cæsar in sententia mansit, comminatus periculum accusatoribus Christianorum. Circa deos quoque suos, quæ patres eorum decreuerant obseruantissimi antiquitatis, resciderunt. Liberū quanto posse. Idem aliter.

enim patrem cum mysterijs consules senatus autoritate, non modò urbe, sed vniuersa Italia eliminauerunt. Serapide & Isidem & Harpocratē cum suo Cynocephalo, Capitolio prohibitos inferri, id est, curia deorū pulsos, Pisonius & Gabinius consules, euersis etiam aris, abdicarunt. An dicere potuerint sectam paucorum & eam obscuram, orbis authoritati, minimè anteponi debuisse? Sed iam orbis totus ad Christum confluebat, non pescatores soli, sed etiam philosophi; nō rudes modò & elingues, sed clari etiam quidam oratores; nec verò plebei tantum, verum etiam aliquando reges & principes, prædicatam sibi Euangelij doctrinam, non clam, quasi de malo erubescerent, sed publicè tanquam de communi salute securi & læti susceperunt. Sed homines reprobi omnem sexum, ætatem, conditionem & dignitatem ad Christianum nomen transgredi, quasi illato detimento moxebant: neque hoc ipso ad estimationem alicuius latentis boni promouebant animos: non licebat per summam cæcitatem suspicari rectius, nō libebat per impiam socordiam proprius expediri. An dixisse tantummodo & asservisse visi sunt Euangelij præcones, sed probauisse nihil? Atqui miraculorum clarissimorum non desuere firmamenta, quibus iij quoque mouerentur, qui rationem percipere minus possent. Sed tolerarunt etiam in repub. sua philosophorum sectas eas, quas nunquam multitudo probauit; & si quis amplecti noua placita & sequi vellet, nemo facile prohibuit. Cur persecuti sunt Christi discipulos? cur suscipi saltē passi non sunt, quod vitam efficere cernebatur meliorem? cur vel supplicijs ad impia sacrificia compellent?

D V dos,

DE VARIIS PIORVM

dos, vel confitentes, torquendos censuerunt? Cum doctrina Christianorum de innocentia esse diceretur, aiebant & philosophos monere & profiteri innocentiam, iustitiam, sobrietatem, patientiam, pudicitiam. Quibus Tertullianus, Cur ergo, inquit, quibus comparamus de disciplina, perinde illis non adaequamur ad licentiam impunitatemque disciplinæ? vel cur & illi ut pares nostri, non urgentur ad officia, quæ nos obeentes periclitamur? Quis enim philosophum sacrificare, aut deierare, aut lucernas meridie vanas proferre compellit? Quinimò & deos vestros palam destruunt, & superstitiones vestras commentarijs quoque accusant, laudantibus vobis. Plerique etiam in principes latrant, sustinentibus vobis; & facilius statuis & sacris remunerantur, quam ad bestias pronunciantur. Sed meritò philosophi, non Christiani cognominantur. Nomen hoc philosophorum dæmonia non fugat: quid nō? cum secundum deos philosophi dæmonas deputant. Socratis enim vox est, si dæmonium permittat. Iure verò ob crudelitatem inexcusabilem Demetriano Cyprianus improperat, his verbis: Satis non est, quod tu ipse Dominum non colis, adhuc insuper eos qui colunt sacrilega infestatione persequeris. Fumant vbiq[ue] in templis vestris hostiarum busta & rogi pecorum; & Dei altaria vel nulla sunt, vel occulta. Crocodili & Cinocephali, & lapides & serpentes coluntur; & Deus solus in terris aut non colitur, aut non est impunè quod colitur. Innoxios, iustos, Deo charos domo priuas, patrimonio spoliis, catenis premis, carcere includis, gladio, bestiis, ignibus punis. Saltē contentus esto dolorum nostrorum compendio, & simplici ac veloci breuitate pœnarum. Admoues laniandis corporibus longa tormenta, multiplicas lacerandis visceribus numerosa suppicia, nec feritas atque immanitas tua visitatis potest contenta esse tormentis, excoxitat nouas pœnas ingeniosa crudelitas. Quæ est hæc insatiabilis carnificina rabies, quæ inexplebilis libido sauitiae? Quin potius elige tibi alterum de duobus; Christianum esse, aut crimen est, aut non est. Si crimen est, cur non interficias confidentem? Si crimen non est, quid persequeris innocentem? Vociferatur homo, ait Tertullianus, Christianus sum: quod est, dicit: tu vis audire quod non est. Veritatis extorquendæ præsides de nobis folis mendacium elaboratis audire. Nisi fallor leges malos

*Apologet.
cap. 46.*

*In tractatu
ad Deme-
trianum.*

In Apologe.

malos erui iubent, non abscondi; confessione damnari prescribunt, non absolvi. Sed aduersus Christianos, hoc est, aduersus innocentiam atque pietatem, quæ leges aliae quæve judicia expectari ab impijs, iniustis, turpibus, dementibus, vanisque hominibus potuerunt? Qui pudicitæ, honestatis, iustitiae, ac totius æquitatis publici hostes erat, quidni etiam Christianorum hostes & persecutores existerent? Talibus persecutionū authoribus, damnatoribusq; nominis Christiani, gloriari meritò licuit Christi discipulis. Qui enim illorum ingenia & mores intelligere potuerūt, non nisi boni aliquid ab illis tanta crudelitate damnatum esse viderunt. Et tamen sceleratissimi homicidae, contra pios impia iura condiderunt. Nam & constitutiones sacrilegæ & disputationes iurisperitorum leguntur iniustæ. Domitius enim Vlpianus, authore Lactantio, libro septimo de officio proconsulæ, rescripta principum nefaria collegit, ut doceret quibus poenitentiæ affici oporteret eos, qui se cultores Dei confiterentur. Quid ijs facias, aut quānam ratione excuses, qui ius vocant carnificinas veterum tyrannorum aduersus innocentibus rabide sanguinentium? & cùm sint iniustitiae crudelitatisq; doctores, iustos se tamen esse ac prudentes videri volunt; cæci & hebetes, & rerum ac veritatis ignari. Quin & ingrati plurimum beneficj religionis Christianæ, per quam & firmitius imperium erat ob fidem atq; obedientem innocentiam ciuium ac militum Christianorū, & multi ab hostium spiritualium incursibus defensi, aut è potestate eruti, aut ægritudinibus malisque alijs liberati. Testatus est etiam litteris suis grauissimus Imperator Marcus Aurelius, sicut il Tertul. Apol. lam germanicam, ad Christianorum militum preces, effusis loge, cap. 5. imbribus, discussam esse. Cùm autem multitudine sacerdotum Euseb. lib. 5. ac viribus vincere possent, illatas ferre malebant iniurias; cap. 5. non erant factiosi, non rebelles, sed & pro regibus ac persecutoribus suis, proque reipub. communi salute ac pace, orare solebant. Hanc eis Tertullianus ingratitudinem olim ostendit. Pauciores nunc, inquit, habetis hostes præ multitudine Christianorum penè omnia ciuium; sed hostes maluistis vocare generis humani. Quis autem vos ab illis occultis, & usquequa vastantibus mentes & valetudines vestras hostibus raperet? à dæmoniorum incursibus dico, quæ de vobis sine præmio, sine mercede depellimus. Sufficiet

Apologet.
cap. 37.

DE VARIIS PIORVM

cisset hoc solum nostræ vltioni, quod vacua exinde possessio
immundis spiritibus pateret. Porrò nec tanti præsidij com-
pensationem cogitantes, non modò non molestem vobis
genus, verum etiam necessarium, hostes iudicare maluistis;
quia sumus planè non generis humani, sed potius tamen er-
roris. Verum ad tanti huius odij sui excusationem, illam
quoque vanitatem prætexebant, quod existimarent omnis
publicæ clavis, omnis popularis incōmodi Christianos esse
mil. 28. in causam. Si Tyberis ascēdisset in moenia, si Nilus non ascen-
Matib. dicit disset in arua, si cælum stetisset, si terra mota, si famæ, si lues
propter eius- grassata fuisset, statim Christianus ad Leonem, acclamaba-
modi per- tur. Sed quam esse odij causam asserebant, ea potius ex odio
suasiones ec- nascebatur. Usque adeo enim Christianum nomen oderant,
clesias perse- ut quicquid mali accidisset, id Christianis imputandum esse
quitiones dicerent. neque enim qui peritiores erant, plenos ignoran-
passas esse bant historiarum libros, è quibus demonstrari promptissi-
& incensas: mè posset, grauioribus sæpè cladibus hominum genus at-
vide etiam tritum, cum adhuc ignoraretur in gentibus Christiana reli-
Eusebiū lib. gio. Sed se ea scire dissimulabant, vulgareq; prouerbium
9. hist. eccl. omnibus in ore esse gaudebant, Pluuiia defecit, causa Chri-
cap. 7. & 8. stiani nominis. Cum tam ob id magis ista deficerent, quod
Aug. lib. 2. vnius Dei non reciperetur præconium. Nam vel ob id inex-
de cinit. Dei, cusabilis erat gentium incredulitas, quod Deus non sine te-
cap. 3. stimonio reliquisset seipsum, dans pluias & tempora oportu-
Actor. 14. tuna, implens cibo & lætitia corda eorum. Vultis, ait Ter-
Apologetici tullianus, & ex ipsius tot ac talibus quibus continemur, qui-
cap. 17. bus sustinemur, quibus oblectamur, etiam quibus exter-
remur; vultis ex animæ ipsius testimonio cōprobemus?
quæ licet carcere corporis pressa, licet institutionibus prauis
circumscripta, licet libidinibus & concupiscentijs euigorata,
licet falsis dijs exancillata; cum tamen resipiscit vt ex cra-
pula, vt ex somno, vt ex aliqua valetudine, & sanitatem suam
patitur, & Deum nominat solum, quia propriè verus hic
vnus Deus, bonus & magnus, & quod Deus dederit, om-
nium vox est. Iudicem quoque contestatur, illum, Deus vi-
det, & Deo commendo, & Deus mihi reddet. O testimo-
nium animæ naturaliter Christianæ. Denique pronuncians,
hæc non ad Capitolium, sed ad cælum respicit. Nouit enim
sedem Dei viui, ab illo & inde descendit. Quod si quia his
minimè mouebantur, inexcusabiles sunt; quanto minus
excus-

excusari possunt, qui & viua voce propositam, & idoneis miraculis confirmatam repudiarunt veritatem; neque repudiarunt modò verum etiam crudeliter sunt insectati? Fuit autem vis hæc diaboli, & ad perdendas animas accommodissima ratio, vt cum prius confessi Christum, continuo necarentur; postea vt negarent, torquerentur; si negassent, dimitterentur. Namque, vt est apud August: prior illa constitutio fuit, Quicunque se confessus fuerit Christianum, f-
riatur: posterior, Quicunque id confessus fuerit, torqueatur, *In illud Psa.*
90. A sagittario
& tam diu torqueatur, donec se Christianum esse negauerit. *per diem.*
Veterem apud Romanum Senatum, ait Hieronymus, *In catalogo*
obtinuisse legem, vt absque negatione Christianus nemo *scriptorunc*
dimitteretur, qui semel ad eorum iudicium pertractus fuisset: eoque factum, vt Apollonius Romanæ vrbis Senator, à seruo proditus, quanquam insigni volumine fidei suæ rationem dedisset, atque id in Senatu legisset, tamen capite pro Christo truncatus sit. Cum verò ad negandum supplicia adhiberentur, multi qui mortis celeritatem non reformabant, longis tormentis fatigati negauerunt; & quos sagitta per diem volans non confixisset, hos meridianus demon superavit. Dum enim quosdam, inquit Cyprianus, insolenter extollit confessionis suæ tumida & inuercunda iactatio, tormenta venerunt, & tormenta sine fine tortoris, sine exitu *Lib. 4. episcopatū, episcopatū, episcopatū,*
damnationis, sine solatio mortis, tormenta quæ ad coronam
non facile dimittant, sed tam diu torqueant, quamdiu deiij-
ciant; nisi si aliquis diuina dignatione subtractus, inter ipsa
cruciamenta profecerit, adeptus gloriam non termino sup-
plicij, sed celeritate moriendi.

Quanta in persecutionibus Christianorum fortitudo
enituerit. CAPUT XV.

Quis igitur tantarum & violentia, & frequentia, & fraude persecutionum, non breui delendam ciuitatem sanctam prædixisset? & tamen subuersa & deleta usque adeò nō est, vt & numerosior facta & illustrior videatur. Sæuiebat in eam hostis, quasi per sanctorum neces gratia Dei posset extingui; sed eius id maximum erat lucrū, quod contemptus vitae huius occiduæ perceptio fieret fœlicitatis æternæ. Preciosa enim in conspectu Domini mors *Psalm. 135.*
sanctorum eius. Sæuiebat hostis tanquam sacramento cru-
cis